

## श्री राधा चालीसा

॥ दोहा ॥

श्री राधे वृषभानुजा , भक्तनि प्राणाधार ।  
वृन्दाविपिन विहारिणी , प्रानावौ बारम्बार ॥  
जैसो तैसो रावरौ, कृष्ण प्रिय सुखधाम ।  
चरण शरण निज दीजिये सुन्दर सुखद ललाम ॥

॥ चौपाई ॥

जय वृषभानु कुँवरी श्री श्यामा, कीरति नंदिनी शोभा धामा ।  
नित्य बिहारिनी रस विस्तारिणी, अमित मोद मंगल दातारा ॥

राम विलासिनी रस विस्तारिणी, सहचरी सुभग यूथ मन भावनी ।  
करुणा सागर हिय उमंगिनी, ललितादिक सखियन की संगिनी ॥

दिनकर कन्या कुल विहारिनी, कृष्ण प्राण प्रिय हिय हुलसावनी ।  
नित्य श्याम तुमररौ गुण गावै, राधा राधा कही हरशावै ॥

मुरली में नित नाम उचारें, तुम कारण लीला वपु धारें ।  
प्रेम स्वरूपिणी अति सुकुमारी, श्याम प्रिया वृषभानु दुलारी ॥

नवल किशोरी अति छवि धामा, द्युति लधु लगै कोटि रति कामा ।  
गोरांगी शशि निंदक वंदना, सुभग चपल अनियारे नयना ॥

जावक युत युग पंकज चरना, नुपुर धुनी प्रीतम मन हरना ।  
संतत सहचरी सेवा करहिं, महा मोद मंगल मन भरहीं ॥

रसिकन जीवन प्राण अधारा, राधा नाम सकल सुख सारा ।  
अगम अगोचर नित्य स्वरूपा, ध्यान धरत निशिदिन ब्रज भूषा ॥

उपजेउ जासु अंश गुण खानी, कोटिन उमा राम ब्रह्मिनी ।  
नित्य धाम गोलोक विहारिन , जन रक्षक दुःख दोष नसावनि ॥

शिव अज मुनि सनकादिक नारद, पार न पाँई शेष शारद ।  
राधा शुभ गुण रूप उजारी, निरखि प्रसन होत बनवारी ॥

ब्रज जीवन धन राधा रानी, महिमा अमित न जाय बखानी ।  
प्रीतम संग दे ई गलबाँही , बिहरत नित वृन्दावन माँहि ॥

राधा कृष्ण कृष्ण कहैं राधा, एक रूप दोउ प्रीति अगाधा ।  
श्री राधा मोहन मन हरनी, जन सुख दायक प्रफुलित बदनी ॥

कोटिक रूप धरे नंद नंदा, दर्श करन हित गोकुल चंदा ।  
रास केलि करी तुहे रिझावें, मन करो जब अति दुःख पावें ॥

प्रफुलित होत दर्श जब पावें, विविध भांति नित विनय सुनावे ।  
वृन्दारण्य विहारिनी श्यामा, नाम लेत पूरण सब कामा ॥

कोटिन यज्ञ तपस्या करहु, विविध नेम व्रतहिय में धरहु ।  
तऊ न श्याम भक्तहिं अहनावें, जब लगी राधा नाम न गावें ॥

त्रिन्दाविपिन स्वामिनी राधा, लीला वपु तब अमित अगाधा ।  
स्वयं कृष्ण पावै नहीं पारा, और तुम्हें को जानन हारा ॥

श्री राधा रस प्रीति अभेदा, सादर गान करत नित वेदा ।  
राधा त्यागी कृष्ण को भाजिहैं, ते सपनेहूं जग जलधि न तरिहैं ॥

कीरति हूँवारी लडिकी राधा, सुमिरत सकल मिटहिं भव बाधा ।  
नाम अमंगल मूल नसावन, त्रिविध ताप हर हरी मनभावना ॥

राधा नाम परम सुखदाई, भजतहीं कृपा करहिं यदुराई ।  
यशुमति नंदन पीछे फिरेहैं, जी कोऊ राधा नाम सुमिरिहैं ॥

रास विहारिनी श्यामा प्यारी, करहु कृपा बरसाने वारी ।  
वृन्दावन है शरण तिहारी, जय जय जय वृषभानु दुलारी ॥

॥ दोहा ॥

श्री राधा सर्वेश्वरी, रसिकेश्वर धनश्याम ।  
करहूँ निरंतर बास मै, श्री वृन्दावन धाम ॥

<https://bhajanganga.com/bhajan/lyrics/id/1394/title/shree-Radha-chalisa-shree-radha-vrishbhanuja-bhaktani-pranadhaar-vrindavipin-viharini>

अपने Android मोबाइल पर [BhajanGanga](#) App डाउनलोड करें और भजनों का आनंद ले |